



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Torpes Mart. 17. Maii.

[urn:nbn:de:hbz:466:1-62968](https://nbn-resolving.org/urn:nbn:de:hbz:466:1-62968)

mundi calamitates, tot pauperes, afflictos, infirmos
& morientes. Age gratias Deo, quod mala eadem
promeritis non patiaris; condole patientibus, &
crubescere quod ad minima mala tam his impatiens.

2. Aspice & perpende, quod ea, quae in mundo sunt,
foris nitent, introsum misera sunt. Seneca. Purpura &
aurum quantas tegunt miseras? curas, turbationes,
animi? &c. Et si modo ridere vides, & ducere in bonis
dies suos, in puncto ad infernum descendere, si à
summo bono per transitoria ejusmodi aversi fuerint.

3. Si Spiritu superbiae tentatis, Matrem terram as-
pice, & dic mater mea tu es, & operimentum meum
& convivae vermes erunt; quique modo super-
eminere volo, brevi omnium pedibus in sepulchro
calcabor; quod si verò affligeris, aspice caelum, ubi
post lacrimas & miseras bona sempiterna. Ulla peten-
da sunt, quae nec inventa transeunt, nec adepta deficiunt.
Gregor.

S. TORPES Mare.

17. Maii.

*Quae sursum sunt querite: ubi Chri-
stus est in dextra Dei sedens: quae
sursum sunt sapite, non quae super
terram.* ad Col. cap. 3.

R Aram avem vides & albo simillimam
corvo, aulicum, inquam, pium ex aula
Neronis.

Neronis impii. **TORPES** est, D. Paulo familiaris, & in fide, quemadmodum fertur, Angeli discipulus. Hic Tyranni æmulam cœlo machinam, & quæ ille mortalibus velut alter in terris Jupiter illudebat, solis precibus destruxit, flumineque cœlos vanissimos & orco merfit; ilicet Nero Jupiter hoc damno multatus graviter detronuit, omnibusq; poenis in Torpetem fulminavit, sed ex pelvi nam alapam primò Sabellici Judicis generosè devoravit: columnæ deinde alligatus tortusq; crudeliter, Samson ipsissimus fuit. Quidè quod corruens columna exitium attulit Sabellico, salvo & incolumi nostro Samsonne. Ergo Silvius Sabellici filius hæresq; idem crudelitatis, rotæ radijs lacerandum illigavit, bestiis objecit, semper illæsum, quæ res Evelio consiliario Imperatoris persuasit, ut sibi confuteret, fidemq; Christi amplecteretur tot miraculis probatam. Ambo itaque cæsi securi sunt. Porro **TORPETIS** corpus fatigenti naviculæ impositum, additusq; gallus & canis, ut illud vel his, vel cum his piscibus foret esca, Sed Angelo remige in Hispaniam appulsum, excepit Cœlerina honestissima matrona non aliter, quàm opes ex divite India appullas, tumultuq; augustissimo donavit

navit. Addidit deinde pietas Christiana tem-
plum. Nam cœlum nuper jam Superi dede-
rant, ex quo ille hodie etiam ridet inimicū
Neronis cœlū. Ex Bar. Pet. Nat. & rom. Gant. lib. Cap.

MEDITATIO

De studio cœli obtinendi.

TORPES ex Aula Neronis sanguine suo ad-
scriptus est Aulae Dei. Nullibi ferè mun-
dus plures Martyres educat, quàm in Aula, sibi,
sed non Deo. Quantum fatigat gratiarum adu-
latorium aucupium? quantum torquet ambitio?
quantum urit astus invidiæ? quantum lancinant a-
culei verborum presso dolore dissimulandi? & in
comparatione istorum quotus homo vel minima
patitur, ut aggregetur aulae cœlesti, & favore fruatur
Regis Regum?

1. S. TORPES vitream Neroniani cœli machinam
orando fregit. Favor, honor, voluptas, quibus te
beatum fingis in hoc mundo, quid sunt nisi terrestre
& vitreum cœlum? & vitro cur adeo inniteris? nec
cogitas de cœlo perenni in altera vitâ? cujus incolâ
esse non poteris, nisi amorem hujus deposueris.
Hanc veritatem leges in octo beatitudinibus cœli
scalâ cœli confirmatam. *Quicquid quesiveris in terra,
deterius te est, qui ad cœlum creatus es.* S. Aug. in psal 32.

3 S. TORPETIS Cadaver post tormenta plurima &
mortem, habuit navicularium Angelum, qui illud in
Hispaniam advexit. Felicissimè ad portum eternita-

ris appelles, si beatam Virginem ac S. Custodem Angelum aliosque Patronos periculosa navigationis tuæ ducēs habueris. Quo studio eos tibi concilias?

S. ERICUS

Rex Sueciæ

18. Maii

Beati qui esuriunt & sitiunt iustitiam, quoniam ipsi saturabuntur.

Mat. c. 5.

Sueciæ Rex ERICUS, divorum Regum imagines ante oculos suos velut speculum posuit ipse Regum oculis hodie proponendus. Patriæ & pauperum præcipuè pater, libidinis æstus glaciali aquâ suffocavit. Multæ pecuniariæ tertiam partem, quamvis ultrò oblatam, noluit tamen ærario inferri, ne, quod amat fieri, sibi potius consulere, quam iustitiæ videretur. Bella gerebat non tam ut suum, quam ut Christi regnum amplificaret. Itaque cum Finlandiæ fidem victor intulisset, cæsis hostibus lacrymis fertur patentasse, quòd victis aliter via ad salutem non potuisset sterni, quam per sociorum stragē. **Sed vide obfirmatum ad divina animum.**

Sacrificanti